

ԲՈԼՈՐԸ.– (Գնում են:)

ՈՒՍՏԻԱՆ.– Ինչի՞ կանչեցիր:

ՆԱՉԱՐ.– Ոչինչ, հենց էնպես, քեֆի համար: (Ծիրանին դրստելով եւ իրան շտկառելով) Եո՛ֆ, տեսնում ե՛ս, Ուստիան, ոնց են հողի պես պտտւում չորս կողմս: (Ուստիանի ուտելը դիտելով) Լա՛ւ անուշ արա, Ուստիան, շա՛տ կա, վա՛խիլ մի: Մի քիչ էլ շեբդ ածա. բաղչում չարագ կանես, լաւ Բաղդադու խուրմա կա մեջը:

ՈՒՍՏԻԱՆ.– Է, ասել է, էլ տուն չենք գնա:

ՆԱՉԱՐ.– Տո՛ւն: Ի՛նչ հորս ցան եմ թողել տանը: Տունը պրծա՛ւ: Յա՛յ գիտի տուն: Երազը նա էր: Իսկը որ երագ:

ՍԵՆԵԿԱՊԵՏ.– (Ներս մտնելով նաժիշտների հետ Ուստիանի զգեստներով) Եթէ թագուհին կբարեհաճի զգեստաւորուել, նաժիշտները պատրաստ են:

ՆԱՉԱՐ.– (Տնտղելով նրան եւ ծամածռելով) Բե՛, բե՛, բե՛, բե՛, բե՛, բե՛...

ՍԵՆԵԿԱՊԵՏ.– Ուրեմն ի՞նչ կիրամայես կարգագրութեան մասին, Օրենսդիր շնորհաց:

ՆԱՉԱՐ.– (Լեզու հանելով եւ ծամածռելով) Բե՛, բե՛, բե՛, բե՛ ... լեզուիդ տուր... Ի՞նչ ես ուզում:

ՍԵՆԵԿԱՊԵՏ.– Թագուհու շորերը պատրաստ են, տե՛ր:

ՆԱՉԱՐ.– Դե, եղպես ասա, իշի կտոր: (Ուստիանին) Դու շորերդ հագի, ես էլ մի բարձրանամ այվանը, աչք ածեմ տերութեան, տեսնեմ ամեն բան կարգի՞ն է, որ կարծընես իմաց արա, գնանք բաղչա: Իշխան Սաքո՛, դրօշակն առ: (Սաքոն բռնում է դրօշակը) Ջաբադա՛ր, Խազնադար:

ԽԱՉՆԱԴԱՐ, ՋԱԲԱԴԱՐ.– (Ներս ընկնելով) Յրամայի, թագաւորն ապրած կենա:

ՆԱՉԱՐ.– Առաջ ընկեք, գնանք տեսնեք տերութեան գործերը ի՞նչ հալի են: (Ջաբադարն ու Խազնադարը մեջքները կոսցած՝ առաջ են ընկնում: Նազարը հետեւում է նրանց եւ դուրս ելնելով դիմացի դռնից, բարձրանում է ներսից երեւացող պատշգամբը եւ սկսում է դիտել շուրջը: Սաքոն նրա մօտ բռնում է դրօշակը: Իսկ Ջաբադարն ու Խազնադարը ծածկւում են պատի այն կողմը:)

ՈՒՍՏԻԱՆ.– (Վեր է կենում, որ գնա, բայց մի բան մտաբերելով կանգ է առնում եւ դառնում Սենեկապետին) Ի՞նչ եմ ասում, գեա՛ղա, լսո՛ւմ ես:

ՍԵՆԵԿԱՊԵՏ.– Գերապատիկ, այո՛: Արթուն է ականջս լսելու զոյգն հրամանիդ: